

## La Banca Chantunala Grischuna serra sia agentura a Strada

**Cuira, ils 14 da mars 2014 – La Banca Chantunala Grischuna serra la fin da matg 2014 sia filiala a Strada. Già la fin dal 2010 aveva la banca reduci ils temps d'avertura da la filiala, perquai che las dumondas da servetschs bancars eran sa sminuidas. La reducziun cuntinuada da las transacziuns ha la finala contribuì a questa decisiun.**

Mantegnair in'agentura fitg pitschna u betg, questa dumonda stat mintgamai en il center da la discussiun, sche las dumondas da servetschs e transacziuns sa sminueschan. «Nossas clientas e noss clients sa laschan già oz cussegljar cumplexsivamain en nossa sedia regiunala a Scuol», motivescha il commember da la direcziun da la BCG, Thomas Roth, la decisiun prendida cun quità da serrar definitivamain la filiala a Strada.

«Discurs da cussegliaziun individuals èn naturalmain vinavant pussaivels sin dumonda, era tar las clientas ed ils clients a chasa», suttastritga Richard à Porta, manader da la regiun Scuol, l'impurtanza dal contact persunal. Cun passa 60 filialas dispona la Banca Chantunala Grischuna anc adina d'ina da las pli spessas raits d'agenturas en Svizra. Sia «strategia da la vischinanza a la clientella e dal contact persunal» persequitescha la banca vinavant cun drizzar er en il futur tut sia atenziun sin la qualitat da la cussegliaziun.

### **A dumondas respunda gugent:**

[thomas.roth@gkb.ch](mailto:thomas.roth@gkb.ch)

Manader Martgads, commember da la direcziun | +41 81 256 94 60

### **Il sector Marketing & communicaziun As gida gugent a cuntanscher il pli svelto pussaivel Vossa persuna da contact:**

As drizzai a [thom.mueller@gkb.ch](mailto:thom.mueller@gkb.ch) | +41 81 256 83 11

ubain a [hans-peter.rest@gkb.ch](mailto:hans-peter.rest@gkb.ch) | +41 81 256 83 10.

#### **Banca Chantunala Grischuna – il leader en il Grischun**

La Banca Chantunala Grischuna porscha tut quai ch'ì dovra per ina banca universal moderna – per persunas privatas, l'economia ed il maun public. La banca occupa l'097 collavuraturas e collavuratur (stadi dals 31-12-2013). En il chantun Grischun cun sias numerusas vals e pliras linguas, è l'interpresa represchentada cun 66 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA ed a la Private Client Bank SA a Turitg. En il resultat annual preschenta ella cun ina summa da bilantscha da CHF 20,001 milliardas in gudogn brut consolidà da CHF 214,4 milliuns. Il scrit da participaziun BCG è quotà a la bursa dapi ils 10 da settember 1985.

#### **Termins**

Radunanza dals participants:	12 d'avrigl 2014
Rendaquint semestril 2014:	25 da fanadur 2014

chascha postala  
7002 Cuira  
Tel. +41 (0)81 256 91 11  
Fax +41 (0)81 256 99 98  
[www.gkb.ch](http://www.gkb.ch)